

Regio.

Vudedita.

Situs.

Celi temperies.

Soli fertilitas.

Animalium va-
rietas.Imperium majo-
rum.

Opida.

Biscaia Ioanni Gerundenſi Epifcopo a Baſtulis Beticæ antiquis cultoribus nomen trahit. Hi enim cum primum ex Libya in Hispaniam Baticam conceſſiſſent, a Mauris loco pulſi in Galeciæ montes confu- gerunt, ibique domicilia ſtatuentes nomen gentis retinuerunt, ut *Baſtulia* ab eo tempore dicta ſit, quæ nunc *Biscaia* nominatur. *Biscaia* a nonnullis *Viſcaia* appellatur, quæ vox ad Vaſconum nomen proxime accedit. Hispaniæ regio eſt ad Oceanum Montibus obſita. Temperatius in ea Clementiſque celum, quam in reliqua Hispania. Magnis enim Montibus circumdata nec frigore nimio infeſtatur, nec calore nimio torretur. Regio Arboribus, quæ navibus fabricandis idoneæ, reſerta. Novit hoc præter alias Provin- cias tota Hispania, cui integræ nonnunquam claſſes hinc ſubvehuntur. Caſtanearum, Nucum, Pomorum, quæ *Aurea* cognominantur, Reſinæ, Metallorum omnis generis, præcipue Ferri, Nigrique Plumbi, & aliarum rerum feraciſſima, Vino carenti potum ſubminiſtrant Poma ſaporis optimi, preſſa. Animalium hic Terreſtrium, Mari- norum, Volatilium: Fructuum, omniumque, quæ vitæ hominum commodius agenda neceſſaria, ingens copia. Quam *Biscaiam* hodie dicimus, habitant olim *Cantabri*: latius tamen quam ipſa *Biscaia* patet, occupatis etiam locis iis, ubi nunc *Guipuscoa* & *Navarra*. Populi celeberrimi multorumque ſcriptis decantati. Hi vitam nullam ſine armis eſſe exiſtimabant. Omnibus Hispaniæ populis ſubactis, & in populi Romani poteſtatem adductis, bel- li cum Aſturbus aliisque conregionalibus vinci non potuerunt. Debellaſit tandem ferociſſimam gentem, bel- lo fere quinquennali tractam & defatigatam, C. Cæſar Octavianus Auguſtus, ipſe contra eos reliquosque Roma- niſandum parentes proſectus. Subjugavit autem Cantabros Viſpanii Agrippæ, caterorumque Legatorum quos ſecum duxerat, induſtria & fortitudine. Eſt in *Biscaia*, præter alia, opidum nobile *Bilbao*, ſic dictum, ut quidam opinen- tur, quaſi, cõmutatione literarum Hispanis familiari *Belvao*, id eſt *Bellum vadum*. Condidit Didacus Lopeus de Hazo, Cantabrorum Princeps anno a Chriſto nato cccccc, aut circiter. Tria cum primis hoc opidum commendat, Situs oportunitas, Annone copia, mirabilisque Negociorum Hominumque varietas & multitudo. Situm eſt in loco plano duobus ab Mari milliaribus. Per hoc Opidum in reliquam Hispaniam importatur, quidquid An- glia, Gallia, Belgica mittunt: per idem ipſum exportatur quidquid cum iisdem aliisque Regionibus communi- candum cenſet Hispania. Reperire hic eſt Cives, qui ſoli quotannis ſua pecunia tres quatuorque naves ædifican- ti curant. Ab altera parte, opidulum habet in ora maritima *Portugallette*, vulgo nuncupatum, a quo rivus quidam, maris ingens brachium, non ſolum in hanc urbem uſque: ſed in ipſas etiam domos influit. Hoc importari atque exportari parvo negotio, vilique precio, varia Mercium, aliarumque rerum genera indies videre eſt. Sunt etiam in *Biscaia* portus nobiliſſimi. Nec eſt cur Piſcium ullum genus requirat, cum & optimos habeat, & quantos ſe- re velit, eoſque recentes. Margaritas item marine non negant conche, ſed quæ ignobilioreſ. Gens aſſa- bilis, hilaris, elegans. Virginibus Biſcainis mos, quamdiu innuptæ ſunt, nec capillos alere, nec velari.